



COVID-19 Qalagjuarniq GN Nutaag Tuhaqtitakhaa

Imaruqtirvia 11, 2020

Hivuliqtiup nutaaq tuhaqtitakhaa:

Ublaakkut. Piqangittuq huli naunaiqhimajunik pinahugijaujunikluunniit COVID-19 qalagjuarnirik Nunavunmi.

Ublumi, atauttimun amigaitilaanginni inuit ihivriuqhiqtaujuun ublumimun unaujuq 1,197. 128 inuit tadja huli ihivriuqhiqtaujuun.

Nunavunmi Inungnut Aanniaqtailinikkut Amigaqhuutat imaatut hivitujumik malrungni havainirmi, talvunga aglaat Imaruqtirvia 25.

Tujuqtauvaktunga titiraqhimajunik aadjikkingittut ilanginni avalingarvikhat itiqtirviinni. Naunaijaqpaktavut hapkuat qanurittakhainnik, uqautijumajavut Nunavummiut kinaliqaak maliqatingitkumik maliktakhanik – tamainut inungnut aullarahuaqtut Nunavunmut – aullaqtiffaariaqaqtut avalingarvikhamingnik imaalu talvaniittukhaujut aallanik 14 ubluni itiqtirviinni.

Akhuurutigikpiakhugu ihumaliuttiarutigihimajavut avalingarniq unalu tikittumajut Nunavunmut anginiqaqpiaktumik aanniarutigilirmadjuk hamna qalagjuarniq ilitturijaungmat naattut pingahut tatqiqhiutit. Maliqatqujauhijumajut ikajuutaukpiaktut aanniaqtailipluta COVID-qalagjuarnirmit ublumimut. Hapkuat atuqpagakhait aadjikiiktukhat tamainnut inungnut, aallangulimaittut maliktakhangit avalingaqtukhanut inungnut avalingarvikhat itiqtirviinni, aadjikiiktukhat inungnut tamainnut.

Hamna COVID-qalagjuarnirmit pidjutiqangitkaluaqtitlugu, quvianaqtuq nallaiutigavit Qaapik Attagutsiak, imaatut ukiunigmat 100 ilkpiarjungmi ublumi. Ikajuqpiakpakhimajuq amigaittunut inungnut, inuuhirivakhimajaa nan'ngarijaqqut qauimajainnik ilihaudjidjuhiinniklu. Qivuanuq, quvianaqtuq nallaiutigavit Qaapik – qujagivakpagit tamainnik havakpaktarnik ikajuutingniklu!

Nutaangutqijaujunun COVID-19 qalagjuarnirmi naunaitkutikhait ukunanilu GN-kut Havagviinni nutaanik tuhaqtitakhait tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



Ilaupluni Nunavut Kavamangani (GN) havagutainni hapumminikkut Nunavunmiunnik uumangga aanniarnmik COVID-19 qalagjuarniq, GN-kunni Havagviit atuqtipkaliqtait hapkuat:

Havagviat Aanniaqtailinikkut

COVID Hivajautaa unalu inmikkut-ihivriurnikkut ikajuutikhat

Inuk kituliqaak ihumagumik aktuktauvaktun COVID-19 Qalagjuarniq uqaqtukhaujut hivajautikkut COVID-hotline uvani 1-888-975-8601 talvuuna 10mi ublaami 6mun unukpat, ilitugipkalklutiklu nunalaani munarhitkut qilaminuaq, talvuuna qilaminuaq anilimaiqtukhaujut 14nik ublurnik.

Kinaliqaak pittaaqtuq qaritaujakkut inmingnik qaujihaqtaaqtuq qaritauijakkut ingmingnik naunaijautikhanik atuqtakhamik nu.thrive.health

Nutaaq Qaritaujakkut Titiqqilvia Tingmijukhanut

Nutaaq qaritaujakkut titiqqilvia piliuqtauhimajuq Nunavummiunut upalungaijarumajunut tingmitikkut aullarlutik hilatanut avikturmiannit. Tamarmik tingmitikkut aullaqtukhat tujutukhaujut Avalingarvikharnut Itiqirvingmi Igluakharnik Tukhiutit Titiraqtakhaq talvunga travNUisolationreservations@nunavutcare.ca qilamiurlutik naunaiqhiguvit tingmidjutikharnik naunaitumik tingmidjutikhainut havaqatigiiktut naunaiqhijanginni igluakharnik hailijakhanik imaalu ihuaqhailutik najuqtakhanrik tikkuqaqtauhimajuni avalingarvikhat itiqirviinni. Naunaiqhivikhat paqitaunginariaqaqtun umani Havagviat Aanniaqtailinikkut qaritaujakkuurutaani.

Avalingarvikhat najugakhakkut ihuiguuutit tujurvikhaq

Nutaaq qaritaujakkut titirarvikhaq piliuqtaujuq nakuutqijamik ihuaqhaivikhanik ihumaluutaujunik uqaqtaujukniklu inungnit iniqhihimajunit 14-ubluni avalingarvikhat tapkunanihimajut Avalingarvikhat Najugakhanni hivurani Kanadami. Nutaaq qaritaujakkut titirarvikhaq ikajuutauniaqtuq ikigitaarutauluni taffumani COVID akiittukkut hivajautaanut, aanniaqtunut kivgaqtuidjutit unalu CPHOtravelrequests titiqilvianut qiuqunmut. Nutaaq qaritaujakkut titiqilvikhaq imaatut isolationrelations@gov.nu.ca.

Nutaangutqijaujunun COVID-19 qalagjuarnirmi naunaitkutikhait ukunanilu GN-kut Havagviinni nutaanik tuhaqtitakhait tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Qaffiujun

Tamatkiutit (Tamaita Avaliingarnirni Najurviinni)	
Tingmidjuta Qanurittumik	Inuit Avaliingaaqtitaujuna talvanga Imaruqtirvia 10
Taaktiliaqnikkut Tingmidjutit	174
Inuit Inmikkuuqtut	226
Ilihaqtut	0
Attautimun	400

Tingmijut utiqutun naunaikutit:

Aullarvia Ublua	Amigaitilaangin Tingmijun Avaliingarvingnin
Imaruqtirvia 11	30
Imaruqtirvia 12	21
Imaruqtirvia 13	7
Imaruqtirvia 14	6
Imaruqtirvia 15	47

Ihariagijauqpiagtuni Havaktini Tukhirutin

Talvanga Imaruqtirvia 10, pilik 1,520 tukhirutinik, 1143 tapkuat ihariagijauqpiagtun havaktiin tukhirutiujun.

Tukhirutini Qanurittuq	#	%
Angiqtaujun (ilaujun ihariagijauqpiagtun ihariagijauullangittullu)	1335	87.8%
Qingijaujun	183	10.7%
Ihumaliurutaujut huli	2	.1%
Attautimun	1520	100%

Nutaangutqijaujunun COVID-19 qalagjuarnirmi naunaitkutikhait ukunanilu GN-kut Havagviinni nutaanik tuhaqtitakhait tamainni uqauhini: <https://www.gov.nu.ca/health/information/covid-19-novel-coronavirus>;
<https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

DeHavagviat Nunalingni Kavamatkunillu Pivikhaqautikkut Ikajuutikhait

Tuhirutit tikittumajunin Nunavunmut igluqpangnik nappaqtirijukhanik pidjutitqaqtunik havaakhat

Aullaqtirlutik Qiqaijarluarvia 15, 2020 tukhirutit tikittumajunin avikturnianun igluqpangnik nappaqtirijukhanik pidjutitqaqtunik havaakhat imaaluuniit tingmijumajut iluanni aikturnianni igluqpangnik pidjutitqaqtunik havaakhat qaritaujakkut titiqilugu talvunga

CPHOconstructionrequests@gov.nu.ca

Nappaqtirinikkut Havaktit Iniqut Avalingarnirmik		
Attautimut ublumimut: 120		
Aullarvikhaa Ublua	Qaffiujut	Tikitakhaa
8/Jun/20	8	Mittimatalik
	29	Iqaluit
	6	Kugaaruk
9/Jun/20	5	Ikpiarjuk
	17	Iqaluit
	4	Igluligaarjuk
	4	Uqhuqtuuq
10/Jun/20	1	Kugaaruk
	2	Iqaluit
	6	Ikpiarjuk
	29	Iqaluit
	4	Qausuittuq
	5	Kangiqliniq

GN-kut havagviit igluqpait tamainni nunalaani umikhimaniaqtut inungnut. Inuk katimajukhaugumi GN-kuni havaktianik, hivajainnariaqaqtut havaktip nampaanut naunaiqhilitik qanuriliurutikhamingnik. Talgunautinnatit hivajadjavutit naunaiqhijarni ublukhanik ubluqhiutikkut takujauvikharnik.

Nunavunmiut aanniaqtailidjutait atauttikku munaridjutigijaqqut! Itqaumaluh: uaqlugin algatin qaangillu hunavaluit, inuqarnirmi ahiqpaniitpaklutin, naalaklugit uqautidjutait aanniaqtailinikkut havaktinin, aihimalutillu aannialaqiguvin.

Nutaangutqijaujunun COVID-19 qalagjuarnirmi naunaitkutikhait ukunanilu GN-kut Havagviinni nutaanik tuhaqtitakhait tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)